

2012.9

2005 清点

S 2414  
4

仲景歸真

楊氏

卷之二

广州医学院  
中圖書館  
图书

覺誤序

覺誤序。是欲醒覺後覺。無爲前人所誤云爾。初因前朝傷寒六書。傳於世。稱爲仲景功臣。用爲傷寒正書。宜乎醫家人人學習。近今又有景岳補正除邪甘溫。除熱半補半散。以及純補等法。又爲傷寒格言是以。凡治傷寒。不曰節菴。則曰景岳。數百年於茲。天下之廣。無人而不如此。或不如此。習用仲景者。則衆口交議。視爲謬妄。雖有

朝廷頒發醫宗金鑑。示人尊習仲景。而人亦少習。是以仲傷寒論歸真。卷一

景之方法。醫家固不敢用。病家亦不敢從。故用節菴景岳之新法新方。以爲穩當。雖使輕病變重。重病變死。只有委之於命。或有明眼在旁。明指衆醫之失。而主人不信。止有翻然遠引。袖手旁觀。設欲挺身獨任。而疑信相參。或有掣其肘。而人。盡法。或服藥不肯盡劑。萬不能成功。欲待衆技施畢。必至危殆莫挽。有時心慈不忍釋手。欲圖萬一之僥倖。遂招無底之譏。鋒。彼病者受庸醫之害。亦恬不爲怪。誰復覺衆醫之失。出於醫書之不善哉。今予將陶張二子之書。有誤

人之說者辨論於後呈教

高明並願天下後世無受此二子之誤可也

傷寒論歸真

卷二

二

仲景歸真

貳卷傷寒覺誤上目錄

一論節菴六書不應傳世

川論節菴未讀仲景

川辨節菴謗麻桂二方

人辨節菴一方代三方

多辨節菴溫暑論內有方

上辨節菴涼散流弊

亡辨麻黃發表不過於猛桂枝和中不過於溫

傷寒論歸真

卷二

三辨閨節菴三十七方

文辨風寒不拘四季

十辨節菴方方羌寒

十辨節菴之方不足爲法

一論節菴傷寒六書

自王叔和作傷寒序例以來，內有桂枝下咽陽盛者亡等句。後人已自畏用麻黃、桂枝、青龍承氣等方矣。然千餘年來，尙未有敢輕議麻桂青龍爲見險殺人者。及至明季節菴出公然誹謗公然易方改麻桂而用羌防。改發表而爲和解。於是世人樂從同聲互和。遂致有稱節菴爲仲景功臣者。有稱傷寒之書以節菴六書爲正者。今之醫或有不識仲景，斷無不識節菴者矣。節菴六書果係濟世之書歟？則彼節菴也。功傷寒論歸真

卷二

四

愈仲景業繼軒岐，倘其書不能濟世，反以貽誤後學，計自明季至今，流毒之禍，又何可勝數哉？但思名不虛傳，諒有超群特達之識。始作書以傳後世，愚用心細讀，先看其用六字爲名，意必將傷寒六經立論。豈知止以箇異様名目，如捷江綱一秤金、殺車椎鎖言等，分爲六卷，內中議論重複雷同，大約居半。且多不切題，竟有一題三破。正如老人說事記一項，數一項，隨數隨誇，止從自己巧妙爲題，致囑子孫不可傳人之語，絮絮不休。竟非名家註作之言，實似一賣巧矜

奇之語並無層次引導後學而歸正傳止教後學執  
方廢法而已。卽此已非可傳之文矣。夫謂傷寒之書  
首重六經最當詳晰可使學者核辨表裡陰陽爲務  
也。何期各卷所論六經止於三陽之內。約畧而言至  
於三陰各經則缺畧而又無當。如云太陰症內止言  
腹痛咽乾而渴少。陰止云口躁咽乾。厥陰止云舌捲  
囊縮。凡論三陰數次皆係止此數言。若果三陰之症  
止此數言難使童子可學何必又出危言而謂傷寒  
難學死生反掌乎。且腹滿咽乾而渴本係少陰之症。  
傷寒論歸真

卷二

五

無端混人太陰。倘舌捲囊縮以居死症之列。尙自以  
爲歎陰題目耶。吾故謂其缺畧而又無當矣。如此立  
言止可騙過未讀仲景之書者。苟讀過仲景則指摘  
不勝。卽如六經論治太陽一經不拘傷寒中風均以  
九味羌活。陽明一經專用葛根。少陽一經獨用小柴  
凡係三陰傳經者。專以大承氣直中者。專以四逆湯  
節菴教人凡治傷寒六經之症。說來說去止係用此  
五方而止並不聲明傳經陰症當有輕重之分。卽直  
中三陰應有分經之辨。以此教學者適足以誤後學。

誰謂此爲可傳之書哉。又如書名傷寒本應編列仲景原方使學者執症考方執方考症始爲真正法門。節菴固不載仲景原方。且增入自己三十七方。謂補傷寒治法。且問仲景原方節菴謂果不能治傷寒歟。抑謂原方不足用歟。若果合用足用。節菴又復增加之。改竄之。正是賣弄乖巧。恐由此而失古聖之法門矣。至於麻桂青龍三症。同是太陽一經之病。本有疑似。節菴自當教誨學者。逐症辨明。卽不能辨。當曰麻桂青龍三症。險而難辨。可也。不當曰麻桂青龍三方。

傷寒論歸真

卷二

六

險而難用也。遂使學者不用麻桂青龍三方。而改用九味羌活一方。統而代之。又謂此方能治溫治暑。通治四時風寒。化兇險而爲神奇等語。是教學者不須辨症。但執一方而可橫行天下矣。吾故謂節菴之言。節菴之書。果不應傳世也。卽如所論雜症。卷卷雷同。畧引仲景原文。竊爲已言。妄用已方。遂使愚昧者以爲仲景之言。卽係節菴之言。節菴之方。卽係仲景之方。視節菴卽如仲景。視仲景僅如節菴。且千古以來。無人敢謗仲景。詆叔和爲誤世害民。今見節菴公然

詆謗。敢誇已方爲絕妙神奇。議仲景之方爲凶險。  
用無怪昧者信其言而傳其書矣。但思昧者傳而不  
昧者不應習也。細考節菴乃明季正統間人。當其時  
猶未甚傳。後至萬歷壬子有太醫院學生李存濟者

爲之翻刻。爲之序文。其傳出此而盛也。吾想太醫院  
中未必有此無目之學生。讀其序文不似院人之口  
吻。又無圖書印式。吾實疑書坊假冒其名。以圖利潤。  
世耳。要之其書之傳非以真才實學而傳。傳亦不久  
久。亦不足貴也。吾謂傷寒六書無益於世久矣。以鑿  
傷寒論歸真。卷二。

七

益之書爲有益。不將以有損之書爲無損乎。散愚嘗  
謂欲學傷寒者。亦須先讀過要緊之書二種。一日醫  
宗金鑑。一曰傷寒六書。或曰醫宗金鑑乃

聖朝頒發是爲醫學之宗。誠不可不讀者矣。但傷寒六  
書。子旣極情詆謗。何又教人必讀乎。予曰。予旣欲學  
者。識其正亦須學者識其邪。孔子曰。見賢思齊焉。見  
不賢而內自省也。吾欲學者以金鑑爲規。以六書爲  
戒。因六書流傳既久。所有近世醫書以及世俗。凡說  
傷寒之言。幾將節菴爲仲景。有以仲景爲節菴混而

爲一魚珠莫辨。且近世多宗節菴而少識仲景。故欲學者讀金鑑可知仲景之根源。讀六書可知節菴之背謬。兩兩對核。黑白立分。賢否辨矣。

六書既名傷寒。試看其說得六經陰陽症候透徹否。看其所論雜証能辨別陰陽可使學者遵而用之否。看其每經每症止以四字多者以八字學者卽能認得傷寒否。看其所立三十七方不註分兩學者卽能照用否。看其議論大半是重複雷同否。請思歷古方書註作之家。賢愚不等。有如陶節菴賣巧矜奇隨講傷寒論歸真卷二

八

隨誇者否。學者必須留心將傷寒六書讀過一遍。則知吾之辨關節菴誠未爲過矣。

外論節菴未讀仲景書

辨症的確

節菴自誇曰。吾專傷寒。深得仲景先生厥旨云云。以愚觀之。未足信也。如其論太陰。則曰腹滿咽乾而渴。少陰則曰口燥咽乾。厥陰則曰舌捲囊縮皆主大承氣湯。夫以仲景三陰之內。千言萬語。反復申論。節菴每經止言一症。共以十二字畢之。未必能盡其細微曲折也。卽如腹滿一症。甚多陽明有之。少陰亦有之。何獨指爲太陰乎。何可概以大承乎太陰。從無咽乾而渴之文。且咽乾而渴乃屬少陰。又何混爲太陰。

傷寒論歸真

卷二

九

乎。仲景立急下六証。內有少陰。二三日口燥咽乾之文。非謂凡有口燥咽乾。定爲少陰急下也。倘學者凡見口燥咽乾。概爲少陰。豈不誤事。况舌捲囊縮以居死症。學者幾何得見。舌捲囊縮而有厥陰症乎。且舌捲囊縮乃厥陰之筋爲寒拘引。乃居寒症之例。而教人再用承氣湯。下之可乎。自此推之。知節菴未曾讀過仲景矣。節菴自論兩感。其意專以表裡兼病爲兩感。深責活人書妄引先救其裡。以四逆湯後攻其表。以桂枝湯之文。爲誤泄害人云者。吾見論內凡係表

熱裡寒均係先溫後表。活人書原非妄論。節菴竟惶仲景自云。先救其裡以承氣。後攻其表以麻葛。不思仲景立例。凡於表裡同病。必先解表而後攻裡。今據節菴先以承氣。後以麻葛。是爲表裡混施。必致熱邪乘虛上逆。反成結胸。固犯仲景之大禁者。此何足以訓後學者。又何以讀仲景之書乎。節菴凡論傳經三陰之症。止以大承氣湯一方而畢之似。欲仲景不必多立三陰三篇之內。一切陰症者。是以有深責叔和。不將一切陰症。另入雜症之門。誤將附子四逆等症。

傷寒論歸真

卷二

十

編入三陰之內。遺禍至今等語。吾故謂節菴看得傷寒三陰太淺之誤也。卽據傳經三陰。盡是陽邪。未必盡是大承氣之症也。且如太陽病表症未除。而數下之。其表仍然不解。而脾胃既寒。寒從中生。能不用着附子四逆乎。或初感寒邪。卽入三陰。亦寧不算三陰之症乎。且傳經傷寒。始爲熱。陰陽兩感之傷寒。獨非爲寒耶。論曰。本應陰陽並列。使人辨別陰陽也。節菴未讀仲景也。嗟乎。節菴未讀仲景。苟無誤於人。任其誣叔和。誤編附子四逆等症。爲誤世害人。吾故謂其

誇誕亦何足較。惟其自作聰明，貽害後世數百年來，無人醒覺，即如醫學入門，謂傷寒書以節菴瑣言爲正之類，以訛傳訛，流禍無底，予又安可不辨乎。

傷寒論歸真

卷二

十一

川辯節菴謗麻桂論

節菴謂麻桂二方用而效者止一二。用而誤者常八九。仲景醫中之大賢也。但其立方也實難憑於取效云云。吾則謂節菴不識仲景立方之義。以故謬易仲景之方。豈知凡人之身。統爲營衛二者所包。攝密如羅網。風寒傷人。不傷於營。則必傷衛。否則營衛兩傷而已。未有風寒傷人而不傷乎。營衛之理。故仲景立桂枝湯。以治衛。立麻黃湯。以治營。再立大青龍湯。營衛兼治。仲景之治風寒法。可謂密矣。是以病風寒者。傷寒論歸真。

卷二

十三

不合於麻黃。則必合於桂枝。否則必合於大青龍湯。斷無麻桂青龍俱不合。但麻桂青龍各有專司。不可混用。混用則有誤也。如宜於麻者。則不宜於桂。宜於桂者。則不宜於麻。仲景立戒甚明。設用之當。則效驗如神。用之不當。則變生不測。論內言之再三矣。試譬言之。開鎖以此鑰用此匙。未有不開。是其症而用其方。豈有不效。今節菴謂用麻桂治傷寒而誤者八九。此必應麻而用桂。應桂而用麻。不咎認証之不眞。而歸咎於仲景。立方之不善。可乎。不可。或曰。節菴設

客間。意謂麻桂治冬月傷寒則效。二治三季之溫暑則貽誤八九。意似無傷也。予曰。嗟嗟。彼以麻桂同稱。雖於冬月以治傷寒亦誤也。苟能分晰營衛之病。應麻用麻。應桂用桂。雖於三時。豈得有誤八九者哉。上古醫書。有症無方。得先師創立傷寒金匱。方症並行使。後世尊爲準繩。誠爲醫宗之聖書。是以後人尊其書。而名之曰經者。豈非醫中之集大成者乎。節菴止稱仲景爲醫中大賢。猶之儒家僅稱孔子爲大賢。相等當乎否。吾故謂節菴不識仲景。實未讀仲景書。傷寒論歸真。卷二。三。

信不誣也

人辯節菴以一方能代仲景三方又能通治論

節菴論王叔和編輯仲景傷寒。不曾註明麻桂三方。

止係專治冬月傷寒而設。又遺失仲景溫症暑症之方。以致後人混以麻桂治溫暑。治四時風寒。病世害民。遺禍至今。自以九味羌活一方。謂能通治溫暑。四時風寒。可代麻桂青龍三方。化兇險而爲神奇等語。吾故謂節菴不識仲景立方之義。以爲桂枝湯專治風。麻黃湯專治寒。大青龍湯專兼治風寒夾火。如是而已。以爲九味方中有羌活防風。足以代桂枝湯。以傷寒論歸真。卷二。十四。

治風有辛蒼朮芷。足以代麻黃湯以治寒。合羌防辛蒼朮芷。可治風寒。故又可代大青龍湯以治風寒。青龍方內有石羔清火。九味方中亦有黃芩生地以代清火。故謂九味一方。可代麻桂青龍之三方。自謂巧妙之極矣。又謂溫暑由於內熱而兼外風之故。九味方內有黃芩生地以清內熱。羌防辛蒼朮芷以治外風。故謂九味一方。亦能治溫治暑。至謂四時風寒。非風卽寒。九味方內風寒之藥兼有。故亦能通治。自喜此方四通八達。秘爲奇寶。世人亦以爲奇寶。遂視仲

景三方而爲砒鴉者由此矣。節菴不思所設桂枝湯取其調歛營衛以止汗。麻黃湯取其大發營衛以出汙二方乃言營衛之風寒。豈專指風寒哉。大青龍湯乃治太陽身痛而煩躁。恐人誤認少陰之煩躁。立明有筋抽肉瞶之禁。亦非專爲風寒也。况用石膏之旨是爲預清陽明之熱。而治無汗煩躁之用。彼之黃芩生地。何能清及陽明而除煩躁乎。吾故謂節菴不識仲景立方之意。在此苟謂麻桂青龍專爲風寒而設。故以九味一方而代之。此則不須九味。但用細辛傷寒論歸真。卷一。左。

治寒防風治風黃芩。濟三味亦儘足矣。何必如此之多乎。卽據其謂能代桂枝湯也。凡桂枝之症。因其有汗也。彼九味方內以何物能和營衛而止汗。旣無和營止汗之藥。而反有蒼辛芎芷防羌。一派辛燥之品。吾所謂不能代桂枝湯。而反有誤桂枝湯之症者。此也。其謂能代麻黃湯乎。夫麻黃之症。因有寒鬱於內。忌用寒涼。彼九味方內黃芩生地。正是寒凝之味。傷寒之大忌者。况防辛羌蒼芎芷等。每味僅用數分。一錢。恃誰猛發營中之汗乎。旣無。第。癰。癧。汗。之專藥。

而反有寒凝之芩地汗必不出且又問特誰能代杏仁以定肺家之喘乎吾故謂其不能代麻黃而反有誤麻黃湯之症者此也夫大青龍湯原治太陽身痛煩躁有類少陰而用者試問九味方內恃何藥以治煩躁乎况以生地細辛少陰之藥而治太陽能不誤乎吾故又謂九味不能代大青龍而恐有誤青龍之症者也其謂九味又能治溫治暑乎夫溫暑原係內熱而兼外風但內熱則必有發渴外風則必有汙出九味方內既無止渴之藥反有蒼辛弓芷羌防燥渴

傷寒論歸真卷二  
六  
之品且少專藥以和營吾故又謂九味之方不能治溫暑而反有誤於溫暑之症者此也節菴又謂九味一方而能通治四時之風寒乎夫四時之病病風者未必兼乎病寒病寒者未必兼乎病風有幾何風寒兼病須辛蒼弓芷又必須羌活防風而合彼九味方之病者乎且患風寒亦未必定兼有熱即患熱者又豈必有風寒卽合用辛蒼弓芷羌防又合用黃芩生地又有幾何風寒而兼內熱盡合彼九味之方之病者乎吾故又謂不能通治四時之病者此也

熟執麻黃湯之病者此也